

# Familia laguntzarik ez dutenen eskura, DYAre giza talde osoa

Kronika - Erredakzioa 2020-03-17 00:00



# DYA

## GIPUZKOA

Gipuzkoako DYAk erabaki du, arrisku gehien duen populazioari lagunduko diola, erosketak edota beste edozein gestio eginez. 943 46 46 22 telefonora deitu behar da, laguntza eskatzeko.

Koronabirusaren krisiak eragindako «osasan-larrialdiaren aurrean», Gipuzkoako DYAk erabaki du bere «giza talde osoa» jartzea, «arriskuan dagoen babesik gabeko populazioaren eskura». Zehazki, pertsona horiek dira haien profilarengatik (adinekoak edota gaixotasunen bat dutenak) egoera honetan kalera atera behar ez dutenak, baina laguntza eman diezaiekeen seniderik ez daukatenez, kalera ateratzera behartuta egon daitezkeenak.

Haien egoera ikusita, lema egokitu du DYAK, eta bere egin *#GeldituEtaLagundukoDizugu* traola, laguntza eskaintzeko: «gure lemak dioen moduan, Gipuzkoako DYAk 46 urte daramazki gelditzen eta laguntzen; baina oraingoan lema hori egokitu dugu, gelditzen direnak arriskuan dauden pertsona horiek izan daitezen», adierazi du.

Pertsona horiei lagunduko die DYAK, eta bere «baliabide guztiak eta giza talde osoa» jarriko du haien eskura: «boluntario prestatuak eta koordinatuak jarri nahi ditugu, pertsona horiei farmaziako botikak ekartzeko, erosketak egiteko, edota arriskuren bat ekar dezakeen beste edozein gestio egiteko», nabarmendu du.

Horretarako, telefonoa jarri dute, laguntza behar duten pertsona horien eskura: 943 46 46 22 telefono zenbakira deituta bideratuko dituzte eskaera guztiak.

«Denon artean, eta beti ere osasun arloko agintarien jarraibideei kasu eginez, egoera honi aurre egitea lortuko dugu», adierazi du Gipuzkoako DYAK.

## **Adinekoen egoitzetan positibo ematen dutenak artatzeko, gune berria Donostian**

Arrisku taldeekin lotuta, beste erabaki bat hartu zuen atzo Gipuzkoako Foru Aldundiak, Osasun Sailarekin eta Osakidetzarekin koordinatuta: Donostiako Matia kaleko Gurutze Gorriaren baliabide-anitzeko zentroa bideratzea, Gipuzkoako adinekoen egoitzetan Koronabirusean positibo eman eta arnasketa-urritasun moderatu edo larria duten pertsonen arretara.

Azaldu dutenez, zentroak 120 plaza ditu, eta «foru sareko osasun dotazio haundiena duen egoitza da». Bertako egoiliarrek lurraldeko beste egoitza batzuetan kokatuko dituzte, eta aurrerantzean, «gune soziosanitario berri bat» izango da, «osasun larrialdi honek izan ditzakeen ondorioei aurre egiteko gai izango dena».

Dena den, oraingoz ez dago konfirmatutako kasurik, Gipuzkoako adinekoen egoitzetan, eta prebentzio neurri gisa hartu da erabakia, transmisioa haunditu dela eta, osasun sistemaren «kolapsoa ekideten laguntzeko».

[Gizartea](#)

Erantzun 

Baliabideak erakunde publikoen arabera

**Kronika TOKIKOM**

Kronikak eta Tokikomak



## Ikusienak




[San Joanak 2002](#)

[Iruditan](#)

Kronika - Erredakzioa  
mar 17, 15:43

[Hernani](#)



[Eusko Legebiltzarrerako hauteskundera k bertan behera utzi dituzte, eta estatuko mugak itxi](#)

[Koronabirusa](#)

Kronika - Erredakzioa  
mar 17, 00:00

[Urumea](#)




[«Langile faltagatik itxi dugu harategia, eta ez Koronabirusa dugulako»](#)

[Koronabirusa](#)

Kronika - Erredakzioa  
mar 18, 00:00

[Hernani](#)



[«Irudimena pizteko erronka», etxean pasa beharreko orduak arintzeko](#)

[Koronabirusa](#)

Kronika - Erredakzioa  
mar 17, 00:00

[Urumea](#)



[Herritarren mugimendu askatasuna mugatuta egongo da, ez bada, beharrezko joan-etorrietarako](#)

[Koronabirusa](#)

Kronika - Erredakzioa  
mar 16

[Urumea](#)



[Datuen eguneraketa: Koronabirusa Euskal Herrian](#)

[Koronabirusa](#)

Kronika - Erredakzioa  
mar 17, 14:12

[Urumea](#)

## Kronika.eus

Dobera Euskara Elkarte

Larramendi kalea 11, Hernani

Tel.: 943 33 08 99 · 688 660 714 · [kronika\[ABILDUA\]@kronika.eus](mailto:kronika[ABILDUA]@kronika.eus)



Codesyntaxek garatua



[HONI BURUZ](#)

[LEGE OHARRA](#)

[PUBLIZITATEA](#)

[ARAUAK](#)

[HARREMANETARAKO](#)

[RSS](#)



Gipuzkoako Foru Aldundia



EUSKO JAURLARITZA  
GOBIERNO VASCO

KULTURA ETA HIZKUNTZA  
POLITIKA SAILA  
DEPARTAMENTO DE CULTURA  
Y POLITICA LINGUISTICA



Hernaniko  
Udala



Astigarragako Udala



Ereñotzuko  
AUZO Udala



GOIZUETAKO UDALA



ARANOKO UDALA